



17626

17626

I

Mag. St. Dr.

P


Regina Poloniae

*Lipski Joan. Ep. Culm. Vladislai IV ad
Ferd. III. Rom. Imp. magni Oratoris
et Legati: Orationes duae. Hab.
tae in aula Caesaris coram - Cae
saria Renata. 2. mlt. fol. 3 Augusti.*

PANEG. et VITAE

Polon. 4^a

75.



Mag. St. Dr.

I

Illmi, Excellmi, ac Reuerendmi Domini, D.

IOANNIS A LIPIE, LIPSKI,
EPISCOPI CVLMENSIS,
ET POMESANIAE,

SERENISSIMI AC POTENTISSIMI

VLADISLAI IV.

POLONIAE ET SVECIAE REGIS,

AD SERENISS: ATQ. INVICTISS:

FERDINANDVM III.
ROMANORVM IMPERATOREM

Semper Augustum,

MAGNI ORATORIS ET LEGATI,

Orationes duæ.

HABITÆ IN AVLA CÆSARIS,

*CORAM SVA CÆSAREA MAIESTATE,
AC SERENISSIMA REGINA*

CÆCILIA RENATA.

Die vltima Iulij, & 3. Augusti.

CRAC. *In Offic. Andr. Petricouij, S.R.M. Typogr. Anno 1637.*

BIBLIOTH. UNIV.



JAGELLONICAE

17.626 I

fac
aff
ma
tut
or;
fera
nim
stra

Illmo ac Excellmo Domino,

D. S T A N I S L A O
A K O N I E C P O L E
K O N I E C P O L S K I,
C A S T E L L A N O C R A C:

Supremo Regni Polonia Exercituum

G E N E R A L I,

PRÆFECTO BVSCEN: BAREN: KOVELEN:
Ploskerouien. S.

T*Vllium Sarmaticum, publicè perorantem audiuit,
laudauitq; Caesar, cùm is Sororem ipsi dulcissi-
mam pro Rege nostro expressit è manibus, eâ
facundiâ, eâ verborum vi, quâ mutatis ad tempus
affectibus, & Herculeam Clauam ab Excellentia Tua
manibus excussisset. Reginam obtinuit, quâ nulla vir-
tute maior, prudentiâ par, aut fortitudine excellenti-
or; qua demum vultu Austriacæ Maiest: pleno præ-
ferat Heroinam. Non timet arma, non ignes, Magna-
nimus pectus: nec horrebit in campum ad Tua Ca-
stra cum Rege marito descendere, ac primum in hostes*
A 2 iacu-

iaculum, per pia ad Superos vota, inferet. Diceret pro-
fectò, sapientissimum aquè, ac fortissimum inter morta-
les Regem, despecto Paridis iudicio quod Troiam euer-
tit, meliori consilio, atque omine, nunc ad publicam Or-
bis pacem, & commune in Turcas foedus, hanc Palla-
dem armatam sibi præ ceteris elegisse. Quos Heroes na-
scituros ex tam felici connubio autumant uniuersi? Tu
interim Oratorem, quem audire non licuit, legendo scri-
ptum admirare, ac me Clientem Tuum solito benigno
affectu prosequere. Vienna, Die 7. Augusti, 1637.

Excellentiæ Tux

Humill: deuotiss: & obsequent: seruus

& cliens,


Dominicus Roncallius
S. R. M. S.

Illmi. Excellmi. ac Reuerendmi Domini, D.

IOANNIS ALIPIE, LIPSKI,
EPISCOPI CVLMENSIS,
ET POMESANIAE,

AD SACRAM CÆSAREAM
MAIESTATEM.

ORATIO.



Pertinebat, Inuictissime Imperator, ad noui Imperij auspicia, & Christiani Orbis Vota, atq; auguria, vt VLADISLAUS REX post debellatos hostes, & tranquillatas Prouincias, in Imperatricem Domū paratā trophæa secum inferret; & Victricibus armis in hoc Augusto Sacrario suspensis, Regalem Manipulum, candidistænijs, in opimam publici otij frugem fasciaret. Extimuerat nimirum Orbis, post receptum Cœlo Diuum Progenitorē Ferdinandum, noui Imperij auspicia, dum videbāre, Augustissime Cæsar, ex
Impe-

Imperialibus Coronis ferream primùm indu-
isse, à vincente ferro Imperium auspicatus; nū
Cognatus Rex, ferrea auspicia in aurea vertis-
set, & Septemtrionalis Mars, post belli fulmi-
na, auream pacem, & lätum hymenæum Or-
bi, bellis fesso, prætonare cæpisset, Viennæ
Procus, Coloniae Pacificator. Noua ergo
omina, noua auguria Orbi ferimus, dum inter
belloꝝ classica Epithalamium apud nouum
Imperatorem, Magni Regis Pronubi præcini-
mus, à quo depulsis procellis differenare iam
in optatā malaciam incipiat, & ferrea sæcula
aurescere. Quid nū hoc iam sperare liceat?
Quando Mars ipse Orbi ad pacem pronubit,
& Bellonam apud alterum Martem ambit,
non arcum, sed Organa tractantem, ad præci-
nendū Cælo, & Orbi, Cæcilianam harmoni-
am; Quæ cū per Septentrionē nostrum du-
dum suaue insonuisset, Martij Regis vota, hac-
tenus per orbem vaga, & multis ambita, in
primam Orbis Domum pellexit; Cælo, & fa-
tis nouorum sæculorum texturā ordientibus.
Sed præter hæc fausta Orbis auguria, Tuum
hoc

hoc etiam, Maxime Imperator, sempiternum
erit decus, quòd tui Imperij prima salutatrix
fuerit Victoria, Salutator Victor Rex, nò vo-
ta modò, sed victoriam de se, in Victricem.
ferens Domum, vt plenum Maiestas Vestra
haberet gloriæ titulum, initio Imperij & ho-
stes, & Amicos vicisse. Obsecundare etiam
Rex Frater volebat, non publicis tantum vo-
tis, & augurijs: verum etiam Tuæ Maiestatis
& Augustæ Domûs genio, quòd & illi antea
prima Hungaricæ, & Bohemicæ Coronæ au-
spicia, à victoria, & nuptijs obtigissent; & hu-
ic, tanquam supra rerum humanarum sortem
fastigiata, ipsæ etiam mortes Imperia, Victo-
rias, Connubia parturire soleant, vt neq; mo-
do aliam iacturam, aliam orbitatem sentiat,
quàm quòd Diuus Ferdinandus Pater mortalis
esse desierit, quâdo statim Filius pro eo impe-
rare, ac vincere, Filia in Reginam à Magno
Rege, & Regno ambiri, ac noui Nepotes ad-
capessenda paterna, auitaq; Sceptra nasci cæ-
perint: tanquam in hac Domo nihil non im-
mortale sit, præter mortales. Quod ergò
Cœlum

Coelum, quod vota & auguria publica, quod Imperij Maiestatis Vestrae auspicia, & Imperatricis huius, ac Nostrae Regnatricis Domus, æterna fata destinabant: id Nos solenni ista Legatione exequimur, vota & preces Serenissimi Regis Nostri in Fraternali Maiestatis Vestrae sinum reuerenter deponentes, quibus Serenissimam Principem Cæciliam Renatam, Maiestatis Vestrae Sororem, in sacrum Conubium deposcit. Conspirauere diu in hoc Coniugium sanctissima destinata cœli, perennia Orbis Sarmatici fata, Procerum Consilia, Vota Populorum, Religio, Sanguis, Vicinitas: atq; vt omnia ista conspirauisse, haud ambigendum sit, ad Vota Regis hinc demum sistenda, quæ per Principes Domos magis ambitus, quàm ambiens circumtulit; ita Nostri Comitij, atq; adeo Regni Vniuersi Consilia, & Vota huc incubuisse satis documenti est, dum petimus, quod ipsi cum vniuersa Patrum Curia suasimus. Adeò quid Orbi, quid Imperio Maiestatis Vestrae portendat nupturiens in Martia Domo Mars, et si alienorum o-
minum

minū incuriosi esse vellemus, nostrorū securi sumus, dum res & exempla pro augurijs habemus, nempe Elisabethas, Annas, Constantias, Augusta Reginarum nostrarum Nomina, quas Rex, quas nos ipsi, istarum Nuptiarum Auspices, ac fidas paranympas habuimus, mox in RENATA Regina nobis renascituras. Hinc haud mirū, si post Reginas, quas Nobis Austria dedit, quatuor Regibus Matres (quarum vel sola VLADISLAI Regis Mater satis adhuc vota inuitamēti haberet) prona in Reginam hinc ambiendam, & Senatūs Consilia, & Ordinū studia, securis omnibus, nec Cœlum fallere posse, nec fatorum industriam aberrare; quorum hoc perenne quoddam arcanum est, in hac Domo alijs Reges, nobis Reginas nasci, vtpotè, quibus non alibi, quàm in liberis pectoribus, Reges nascantur. Quin nec Regina, nisi quòd iam diu in Augusta hac Domo faustissimum Reginarum nostrarū Nidum, Cœlum, & Sæcula posuissent, gratæ & mutuæ redhibitioni pro Cymbarcâ nostrâ obsecundantibus fatis, tanquam vel

B

pro

pro hac ipsa Imperatoris Austriaci Matre,
iure hinc petamus Regum Nostrorum Ma-
tres, quas lubens & grata dabat hæc Domus
nobis, mox etiamnum datura Nouam Nouis
SIGISMVNDIS & VLADISLAIS Matrem,
quos Filiæ & Sorores Imperatorum nobis pa-
rere consuêssent; datura, inquam, habituris
quo, si Superis placet, tanti pignoris officium
ensemus. Verùm quæcunq; fuere & Sere-
nissimo Regi, & Nobis ipsis, præsentis Voti
& Consilij suscipiendi inuitamenta: eadem
etiamnum sunt, solenni prece & officio ma-
turandi, priuatis fulta Regiæ Domus rationi-
bus, ob casum geminatorum nuper funerum,
orbitatem, magnâ Orbis iacturâ, formidan-
tis. Proprio præterea genio, optimus & sa-
pientissimus Rex, diu ferebatur in cognatam
& Maternam Domum, cœli Alumnam, Or-
bis gemmam, Religionis Altricem, Impie-
tatis Domitricem, gloriæ Nidum, Virtutis
Procreatricem, Cæsarum Matrem, Imperij
Conseruatricem. Proinde ex hac Ille sibi
Thori, Sceptriq; Sociam, Nos Reginam de-
posci-

poscimus: & à Maieſtate Veſtra, vtí Domûs
& Imperij Præſide, petimus. Annuit his vo-
tis, procul dubio, Cælum; annuit è Cœlo
Diuus FERDINANDVS Pater, quia hîc ſu-
perſtes annuerat; annuit ipſe Orbis, lætus ta-
libus augurijs ſe nouo Imperio, almæ paci, au-
reo ſæculo, inaugurari. Reliquum eſt, vt
cùm Maieſtas quoq; Veſtra annuiſſet, ſolen-
nioribus pactis, & ſanctiſſimo fœdere rem-
velit maturari; ceſſuram, adſpirante Supre-
mo Numine, in Magnum Orbis, & Imperij
Chriſtiani emolumentum, Religionis præſi-
dium, ac vtriuſq; Domûs decus & ſolatium.
Tui verò imprimis, Auguſtiſſime Cæſar, Im-
perij lætam fauſtitem, ad quam fortunatiſſi-
mus Rex præit Nuptiali omine, in partem
fauſti auſpicii ipſe veniēs, ſanguine Frater, fœ-
dere Socius, Connubio Affinis, vt acceſſura
magna nouo Imperio fulcra, certiùs omni-
bus augurijs ſit, cùm accedit Magnus,
Potens, Bellicoſus REX, vno Verbo
dicam, VLADISLAVS.



I

V

F

H

C

Illmi, Excellmi, ac Reuerendmi Domini, D.

IOANNIS A LIPIE LIPSKI,
EPISCOPI CVLMENSIS,
ET POMESANIAE,

SERENISSIMI AC POTENTISSIMI

VLADISLAI IV.

POLONIAE ET SVECIAE REGIS,

AD SERENISS: ATQ. INVICTISS:

FERDINANDVM III.

ROMANORVM IMPERATOREM

Semper Augustum,

MAGNI ORATORIS ET LEGATI,

Oratio Altera;

HABITA IN AVLA CAESARIS,

CORAM SERENISSIMA REGINA

CÆCILIA RENATA,

Die 3. Augusti.

CRAC. In Offic: Andr: Petricouij, S.R.M. Typogr. Anno 1637.

Illmo ac Reuerendmo Domino,

D. IOANNI WĘZYK,
ARCHIEPISCOPO GNĚSNEN.
LEGATO NATO, REGNI POLONIÆ
PRIMATI, PRIMOQVE
PRINCIPI S.

Iouem olim è Cælo , si quando mortales uellet humano allo-
quo placidè instruere atque informare , non alio quàm Pla-
tonis ore locuturum aiebat antiquitas. Addeò enim , Philoso-
phorum ille maximus, Diuino quodam pollebat eloquio , ut quid-
quid proferret, existimarent ceteri superius humano modo. Pro-
fecto nunc , dum Angelicam salutationem ad Virginem **RE-**
GINAM peregit Antistes eloquentissimus, aut Angelum mor-
tali ore locutum, aut Angelica hominem uerba profatum, Au-
la Cesaris meritò affirmavit. Equidem Orationem omnium pul-
cherrimam cum ipso uerborum sono perire , dum metuo , typis
exposui, ac promulgavi. Tu Prasul Optime , ac Polonia Pri-
mas, ipsius dulcedine oblectare , ac uerba obsecundantem, ue-
nientemq; **REGINAM** omnium Maximam , cui iam Sce-
perum ac Coronam preparas , sancta Benedictione prosequere.
Vienna, Die 7. Augusti, 1637.

Illustriss: ac Reuerendiss: Celsitud: Vestræ,

Humill: deuotiss: & obsequentiss:

seruus, & Client,

Dominicus Roncallius.

AD SERENISSIMAM
REGINAM

CÆCILIAM RENATAM,
ORATIO.



Enimus, salutatum Ma-
iestatem Vestram, à Serenissi-
mo & Potentissimo Principe
VLADISLAO Quarto, Polo-
niæ & Sueciæ REGE, Domino
Nostro Clementissimo. Venimus, inquam;
sed non iam tantum à Fratre ad carissimam
Sororem: ast à Rege ad Reginam, à Sponso
ad desideratam Sponsam. Nouum hoc sci-
mus, & insolens in auribus Angelicis Maie-
statis Vestræ salutationis genus; sed diu Cælo,
& fatis decretum, votis publicis concupitum,
Diuo Progenitori, & Augustissimo Fratri
placitum, supremo Sacrorum Præsidi ratum.
Itaq; nō exaggerabimus magnitudinem Re-
gij affectûs, cum quo amantissimæ salutatio-
nis, atq; comprecationis officium Maiest:
B 2 Vest:

3. Vest: per nos impertit. Nempè superat officiosa vota ipsum Fratris & Sponsi nomen, præcipui humanæ caritatis nexus: qui Regium quoq; pectus eo affectu Maiestati Vestræ deuinxêre, vt nihil in eo voti, nihil studij resideat, quod non totum amori Maiest: Vestræ mancipet. Sed quanquam Serenissimus Rex eum affectum erga Maiest: Vest: in Fraternali pectore aleret, quem tam propinquus Sanguis excitauit: non is tamen illi ad vota præsentis Coniugij paranympum egit; sed inclytum genus, sublimes dotes, eximiæ virtutes, quæ in amorem Maiest: Vest: Regem raperent, etsi Frater non esset. Quin hoc ipsum, vt liberè more nostro fateamur, quia Frater erat, vota hæc morabatur; ne aut leges Sacras post habuisse, aut affectui fraterno in legenda thori, Regniq; Sociâ indulgisse videretur. Verùm postquam Cœlum, & suprema eius in terris potestas Religioni Catholicæ, publicæ salutis, ac Regiæ Domui prospiciendum isto coniugio censuit: statim hîc optimus, & Sapiētissimus Rex stitit vota, per principes

cipes Domus haud ingratis hospitibus ober-
rantia, ac eadem in sinum vtriusq; Imperato-
ris FERDINANDI Auunculi, & Fratris de-
posuit; iisque demum sanctissimo fœdere ma-
turandis, & Maiest: Vest: ad Reginale soli-
um, ac Diadema deducendæ, nos huc able-
gavit. Ferimus imprimis Maiestati Vestræ
à Rege Nostro, non fraterni modò atq; con-
nubialis affectûs, verùm etiam grati, & obli-
gati animi officium, pro eâ voluntate, quâ
Maiestas Vestra Diuino cumprimis, Pater-
noq;, & Fraternali placito, tum flagrantibus
Regis, & Regni nostri votis, ac rei Catholicæ,
publicæque obsecundat. Ferimus deinde Am-
plissimi Senatûs nostri, cuius pars sumus, suf-
fragia, cæterorumque Ordinum studia, vnâ
voce Maiest: Vest: Regi in Sponsam, Re-
gno in Reginam, sibi in Dominam deposcen-
tium. Neque nobis opus est tam concordis in
Maiest: Vestr: consensûs publici causas me-
morare; aut Augustum genus, præcipuum
connubiorum decus, adstruere; quando satis
dictum foret, Te Neptem, Filiam, Sororem,

esse Imperatorum. Verum enim uerò com-
mune hoc Regi nostro cum Maiestate Ve-
stra decus, ex eadem Augustâ Domo, ex quâ
Tu Paternum, Maternum ducēti genus, Tibi
ipsi, Imperialis Virgo, Tuisq̃, Angelicis mo-
ribus, Tuis Regijs virtutibus, Tuis Augustissi-
mis dotibus acceptum ferre debes, Te à Ma-
gno Rege, & Regno ambitam, à pleno Co-
mitio lectam, à totâ Sarmatiâ concupitam,
votis, suffragijs, vocibus publicis, Reginâ in-
auguratam. Namque videmus in Te, non o-
tioso titulo Renatæ nomen cœlitus sortitâ,
renatas nobis Elisabethas, Annas, Constan-
tias, viua sanctitatis simulacra, rara fœcundita-
tis exempla, quæ nobis non Reges modò, sed
& Sanctos genuerunt, & per quas modò ha-
bemus vnde Nostra Regina esses. Ibit ergò
Maiestas Vestra ad Regem Fratrem, & Spon-
sum, vnicum humani generis delictum, multis
inuidiosè ambitum, consensura Thorum,
Solumque Regale, Tuis Auspicijs, & Mater-
teris fœliciter præfessum. Ibit ad Regnum,
Gentemque, etsi omnium liberrimam, ta-
men

men reuerentiùs cæteris Regnis, ac populis,
Reges, Reginaſq; ſuas tractare ſolitam, & in
cuius ſinu, ex Tuâ Auiâ natus Rex, ſe tuto ob-
dormiſcere poſſe, erat hîc quondam coram
Regibus gloriatus. Securè & Tu, Domina,
in liberis, & fidis pectoribus noſtris depones
dignitatē, & fortunas Tuas omnes; & liberè
à Curiâ, Comitioque noſtro Regi lecta, &
cæteris omnibus in Orbe præhabita, digniùs,
promptiùsque libero apud nos obſequio colē-
ris, quàm alibi debito. Quin, fidenter dicam,
ſecuriorem apud nos eſſe Sceptri Regiam
prolem, ubi libertas parens Regum, quàm ubi
Reges. Nulla certè vidit ætas poſthabitum ibi
Regum ſanguinem, quoad in utroque ſuper-
eſſet ſexu, quin vel ultra Alpes, & maria, ad
Sceptra quæreretur. Non erit, ſi Superis pla-
cet, infælicior eo nomine, amor, & deliciæ
noſtræ Vladislaus Rex, Auiſ, & progenitori-
bus ſuis Vladislais, Caſimiris, Sigismundis:
neque Cæcilia Regina, Eliſabethis, & Annis,
quæ quot Filios, tot Reges nobis ediderunt,
niſi, qui cum Superis regnare maluerunt. Su-
perest

pereſt modo, vt quod volumus, ſperamus-
que, has Nuptias ita ſecundet, facundetque
ſummus illarum auſpex Deus, vt in longam
Magnorum Regum ſeriem ſoboleſcant, &
renatos ex Renata Noſtra & poſthuma ſæcula
videant, Vladislaos, & Sigismundos, Patrem
heroicâ & bellicâ virtute, Matrem Re-
ligioſo Superûm cultu, nobis, &
Orbi referentes.



nuf-
que
m
&
ula
em



Biblioteka Jagiellońska

sldr0008510

2

